



Lêzanînên têkildarî niştecihên Navendên Baldariya ji Extiyar û Salmezinan, Malbat û Seredaneran

Kesên salmezin û extiya zêdetir li ber xetera tûşbûna bi KOVÎD-19'ê û tûşbûna bi cûreya giran a vê nexweşiyê ne. Rêvebir, kedkar, malbat û niştecihên din divê bi mebesta parastina endamên herî li ber zîyanê yên civaka me hevakiya hevdu bikin.

Bi mebesta parastina kesên extiyar, sînardariyên nû di warê seredana bo Navendên Baldariya ji Extiyar û Salmezinan tîn sepandin. Girîng e ku kedkar, seredaner û karmendên beşa Hevdîtin û seredanê piştrast bin ku heke tûşî KOVÎD-19'ê bûne, derbarsî Navendên Baldariya ji Extiyar û Salmezinan nebin. Ewna divê bi baldarî tendurustiya xwe biparêzin û beriya derbasbûna nav avahiyê ji wan tê xwestin ku hûrgiliyên rewşa saxlemiya xwe raber bikin.

Niştecih

Wekî tevahiya endamên civakê, kesên niştecihê Navendên Baldariya ji Extiyar û Salmezinan roleke girîng di warê parastina saxlemiya xwe hene. Ji billî berçavgirtina durust a babetên paqijiyê û parastina Navbira Civakî, di seredan û hevdîtinên pêkhatî ji Navendên Baldariya ji Extiyar û Salmezinan jî dê hin sînardarî bîn sepandin. Hevdîtinê komkî yên mezin, kombûn û gerr û seyranên derveyî dê bîn paşdaxistin. Alîkariya nişteciyan tê kirin da ku bi riya telefonê an bi riya têkiliyên vîdyoyî digel malbat û dostên xwe bikevin têkiliyê.

Heke nîşaneyên tûşbûna bi KOVÎD-19'ê li te diyar dibin, cihê mayîna te dê ji yên din were cudakirin û dê kesek nekare were seredana te. Kedkarên Lêmiqatebûna tendurustiyê û xizmetên lêmiqatebûnê yên cihê mayîne hema wiha raberkirina xizmetan û baldariyê di heyama Qerentînekirina te da didomînin. Heke pêwîst e ku wek mînak jibo wergirtina xizmetên bijîşkî ji odeya xwe derkevî, erka te ye ku Maskeya Niştergeriyê bi kar bînin. Ev maske dê ji aliyê kedarkrên beşa Çavdêriya Tendurustiyê va bîn davbînkirin. Hewce nake ku niştecihên saxlem maskeyê bi kar bînin.

Seredaner

Seredanerên ku di heyama 14 rojên bihurî da ji derveyî welêt vegeriyan û an digel kesekî tûşbûyî bi KOVÎD-19'ê têkillî hebûne, dê nekarin seredana Navendên Baldariya ji Extiyar û Salmezinan bikin. Her wiha kesên ku Ta (Pileya germaya leşî) û nîşaneyên nexweşiyên Bêhnkişandinê hene an waksena (derziya) Flûyê li wan neketiye jî dê nekarin ku seredanê bikin.

Ji roja 1ê Gulanê va, te divê ku Waksena (derziya) xwe ya Flûyê bi mebesta seredana bo Navendên Baldariya ji Extiyar û Salmezinan wergirtibe.

Hevdîtin û seredan divê kurt bin û di odeya kesên niştecih da, atmosfera derveyî û an li cihekî ku jibo vî karî hatiye terxankirin (ne atmosfereke gelemperî) cih bê.

Her yek ji niştecihan nikarin hevdem zêde ji du seredaner û mêvan, pêkhatî ji bijîşk hebin û hevdîtina digel kesên 16 salî û biçûktir ji billî babetên taybet, rêpêdayî nîne.

Tevahiya seredaneran divê destên xwe beriya derbasbûna bo nav odeya kesê niştecih û piştî derketina ji wir bişûn û tewsiye û şîret li wan tê kirin ku heta radeya pêkan ji yên din dûr bin û dema ku halê wan nebaş e, ji wir dûr bimînin.

Rêveber û kedkar

Dewletê ragihandiye ku Navendên Baldariya ji Extiyar û Salmezinan divê bi mebesta xwe-parastina li dijî KOVÎD-19'ê, divê zêdetir baldar bin. Tendurustiya kedkaran ji nêzik va tê hilkolandin, niştecihên nû û kesên vegeyayî, beriya derbasbûna bo navendê bi baldarî tîn muayenekirin û nîşane û şêwaz û şeklên din ên têkiliyê ji bo şirovekirina qonaxên lazim jibo parastina tendurustiya niştecihan tîn bikaranîn.

Dewlet jibo ku hejmareke zêdetir a kedkaran bêxe xizmetan raberkirên xizmetên Baldariya ji extiyaran, şert û mercên karî yên navneteweyî ya vîzaya xwendekaran jibo Navendên Baldariya ji Extiyar û Salmezinan û raberkirên xizmetên Navmalî hêsan dike. Ev yek alîkariya xwendekarên perestariya navneteweyî û kedkarên din ên Navendên Baldariya ji Extiyar û Salmezinan dike ku her du hefteyan zêde ji 40 saetan bixebitin. Di dema niha da derdora 20,000 xwendekarên perestariya navneteweyî li Australiyayê dersê dixwînin.

Em çawa dikarin pêşî li belavbûna Vîrûsa Koronayê bigirin?

Berçavgirtina babetên paqijiyê dema Pişkîn/Kuxînê bi awayekî dursut baştirîn berbend li hemberî pîrraniya vîrûsan e. Tu divê:

- Berdewam, pêş û piştî xwarinê û piştî destavê, destên xwe bi av û sabûnê bişûyî.
- Dema kuxîn an pişkînê pêşiya dev û pozê xwe bigirî, destmalê bavêjî dûr û destên xwe bişûyî.
- Heke rewşa te baş nîne, digel kesên din nekeve têkiliyê (zêde ji 1.5 metro ji kesên din dûr bibe).

Lêzanînen zêdetir

Di halekî da ku nîgeraniyên derbarê KOVÎD-19'ê hene, bibîrxistina vê yekê girîng e ku pîrraniya kesên ku nîşaneyên weke Ta, Kuxîn, Êşa Gewriyê û Westiyane di wan da tîn dîtin, bi ihtimaleke mezin ji ber qerisîn an tûşî nexweşiyên din ên nefeskişandinê ye - dibe ku tûşî KOVÎD-19'ê nebûne.

Jibo wergirtina şîret, lêzanînen û çavkaniyên herî nû, seredana adresa www.health.gov.au bike.

Digel hêla telefona neteweyî ya têkildarî Vîrûsa Koronayê ya bi hejmara 1800 020 080 bikeve têkiliyê. Ev hêla telkefonî bi awayê şev û rojî û heft rojên hefteyê amade û li ber dest e. Heke te hewcetî bi xizmetên wergera devkî an nivîskî hebû, digel hejmara '131 450' bikeve têkiliyê.

Hejmara telefona Rêxistina Tendurustiya Gelanî ya navçe an parêzgeha te li adresa www.health.gov.au/state-territory-contacts ye

Heke te nîgeraniyek derbarê tendurustiya xwe heye, digel bijîşkê xwe biaxive.